

color intelligendus, cum sapor aliquis dicitur esse à frigore.

Finis est 1. Esse objectum gustus. 2. Animal edocere quenam sint ad nutrimentum idonea. 3. Indicare temperamenta in rebus sapidis.

Sapidum (cui opponitur insipidum) vel est temperatum, ut dulce, vel intemperatum, quod calidum vel frigidum, Calidum est; vel cum materia tenui ut acre, quod vehementius, dicitur acutum; vel cum crassa, & est amarum vel salsum. Frigidum (respectivè, vel calidum deficiens) cum materia tenui est acidum; cum crassa est austereum. Et hæc sapida sunt simplicis saporis. Multi saporis, infiniti ferè sunt; ut acido dulcis, dulcamarus, &c.

Dulcedo est sapor simplex ex moderatis calore sicco terrestri, & humido potissimum aereo

Dulcia ergo sunt temperatè calida

☉